

Cov Kev Kuaj COVID-19 Uas Yus Ua Yus

(COVID-19 Self-Tests)

Kev kuaj Tus Kab Mob COVID-19 ntawm tus kheej (tseem hu ua qhov kuaj hauv tsev los sis kuaj tom khw) yog hom kev kuaj Tus Kab Mob COVID-19 uas siv tau yooj yim thiab muab cov txiaj ntsig sai hauv tsev. Koj tuaj yeem siv qhov yus kuaj yus los pab koj ua cov kev txiaj txim siab txo koj cov kev muaj feem ri COVID-19.

Koj tuaj yeej siv qhov yus kuaj yus yam tsis quav ntsej txog ntawm qib kev txhaj tshuaj tiv thaiv kab mob, cov tsos mob los sis kev kis tau.



Thaum twg kuv tsim nyog ua zoo xav siv qhov yus kuaj yus?

Koj yuav tau ua zoo xav siv qhov yus kuaj yus yog tias koj muaj cov tsos mob COVID-19, thaum koj nphav tau COVID-19, los sis npaj siab yuav mus sib koom hauv tsev nrog lwm tus neeg nyob sab nrauv tsev neeg.



Yog koj muaj cov tsos mob thiab siv tau qhov yus kuaj yus, ces siv tam sim.



Yog koj kis tau qee tus neeg uas muaj COVID-19, siv qhov yus kuaj yus yam tsawg kawg 5 hnuv txwm nkaus tom qab koj kis tau zaum kawg.



Yog tias koj los sis cov neeg nyob ib puag ncig koj muaj kev pheej hmoo rau tus mob hnyav, kuaj kiag tam sim ua ntej kev sib sau los sis ze rau lub sij hawm ntawm qhov kev tshwm sim li sai tau.

Kuv yuav tuaj yeem tau txais kev kuaj tus kheej li cas?

- Yuav qhov cuab yeej yus kuaj yus tau tom tsev muag tshuaj nyob ntawm lub tsev muag tshuaj los sis lub khw txhem muag.
- Qee lub tuam txhab tuav pov hwm kev noj qab haus huv yuav them rov qab cov nqi ntawm kev yuav khoom kuaj tus kheej.
- Yog tias koj nrhiav tsis tau ib qho kev kuaj tus kheej thaum koj xav tau ib qho, hu rau koj lub chaw saib xyuas kev noj qab haus huv hauv cheeb tsam los sis Pab Pawg Neeg txhawm rau kom pab nrhiav kev kuaj.

Kuv yuav siv qhov yus kuaj yus li cas?

Coj raws li lub chaw tsim tawm cov lus qhia ncaj nraim los sau koj cov qauv ntsuam sim thiab ua qhov kuaj. Yog tias koj tsis sau koj li qauv ntsuam sim los sis ua qhov kuaj li qhia tseg, koj cov tshwm sim tau los yuav tsis raug.



Cov tshwm sim tau los ntawm kuv li yus kuaj yus txhais li cas?



Kuv tau kuaj pom muaj kab mob thaum yus kuaj yus. Kuv tsim nyog ua dab tsi?

Kev kuaj pom tus kab mob COVID-19 tias muaj mob txhais tau tias kuaj pom tus kab mob no thiab koj muaj los sis nyuam qhuav muaj tus kab mob. **Yog tias koj muaj tsos mob, nyob twj ywm hauv tsev thiab nyob nrug deb ntawm lwm tus (xws li cov neeg koj nyob nrog uas tsis muaj mob).** Koj tuaj yeem rov qab mus rau koj cov dej num li qub thaum, yam tsawg kawg 24 teev:

- Koj cov tsos mob tau zoo tag nrho lawm, **thiab**
- Koj tsis kub taub hau lawm (thiab tsis siv tshuaj txo qhov kub taub hau lawm).

Thaum koj rov qab mus rau koj cov tes dej num ib txwm muaj, yuav tsum **ntxiv kev ceev faj ntxiv rau 5 hnuv tom ntej no**, xws li qhib qhov rais kom koj cov huab cua tawm sab nraud los sis siv lub tshuab lim cua, npog qhov ncauj qhov ntswg, thiab nyob deb ntawm lub cev thaum koj yuav nyob ib puag ncig cov neeg nyob hauv tsev.

Tiv tauj rau tus kws muab kev pab saib xyuas kev noj qab haus huv txog **kev kho Tus Kab Mob COVID-19 yog tias koj muaj kev pheej hmoo ntau dua uas yuav muaj mob hnyav.** Yog tias koj xav tias koj qhov kev kuaj pom tias muaj mob yuav tsis raug, tiv tauj rau tus kws muab kev pab saib xyuas kev noj qab haus huv los txiav txim seb puas tsim nyog rau kev kuaj ntxiv.



Kuv tau kuaj tsis pom muaj mob thaum yus kuaj yus. Kuv tsim nyog ua dab tsi?

Yog tias koj mus kuaj es tsis muaj kab mob nrog qhov uas koj kuaj COVID-19 ntawm koj tus kheej, tsis tau mus kis tau kab mob los tsis ntev los no, thiab tsis muaj cov tsos mob ntawm COVID-19, ces saib zoo li koj tsis muaj COVID-19. Koj tsis tas yuav rov kuaj dua los sis nyob twj ywm hauv tsev thiab nyob nrug deb ntawm lwm tus.

Yog tias koj kuaj tias tsis mob thiab muaj cov tsos mob ntawm Tus Kab Mob COVID-19, kuaj dua 48 teev tom qab thawj qhov kev kuaj pom tias tsis mob. Yog tias koj rov kuaj dua, txiav txim siab nug tus kws muab kev pab saib xyuas kev noj qab haus huv rau kev kuaj tshuaj molecular, xws li kuaj PCR, uas tuaj yeem muab cov txiaj ntsig raug dua. Yog tias koj kuaj pom tias tsis muaj mob, tej zaum koj yuav muaj lwm tus kab mob vais lav rau kev ua pa thiab tseem yuav tsum tau ua cov kauj ruam los tiv thaiv cov neeg nyob ib puag ncig koj.

Yog tias koj muaj lus nug txog koj qhov txiaj ntsig tau los ntawm kev kuaj, tiv tauj rau tus kws muab kev pab saib xyuas kev noj qab haus huv.

Lwm cov chaw muaj kev pab

Yog xav paub ntau ntxiv txog kev kuaj tus kheej: www.dhs.wi.gov/covid-19/self-testing.htm

Kev paub hais txog lwm cov hauv kev kuaj: www.dhs.wi.gov/covid-19/testing.htm

Cov ntaub ntawv txog kev kho mob: www.dhs.wisconsin.gov/covid-19/treatments.htm

